

Hoc tantum dicam, quod nostro instituto servit, hoc est ut de libris Justiniani agamus: quemadmodum hortulani violas & caryophyllos suos credunt suaviores emittere odorem, si ad radices eorum allia & cepas plantent, quandoquidem acor & asperitas quam cepæ habent, hoc modo se purgat & consumitur: ita juris Canonici & Sophistarum glossatorum foetor libris Justiniani junctus omnem hactenus invidiam & indignationem, ob longos processus & lites sustinuit, quasi in ipsis solum causa esset, libri autem Pandectarum interim in pretio, honore & existimatione longe majore manserunt. Verum enim vero si hæc omnia accurate considerentur, ad nostrum institutum directe non faciunt. Nobis enim propositum non est, vitia & corruptelas demonstrare, quæ aliunde exercitio legum supervenerunt, sed intima potius vitia declarare, quæ naturaliter libris Tribonianis, & eorum disciplinæ insunt.

## CAP. XV.

Modus docendi Doctorum  
nostri seculi.

JAM porro his relictis de alio eventu dicendum est, quem quintum ponimus, hoc est de tot controversiis & contentioni-  
bus,